

TURNIRSKI PRAVILNIK
za 7. Međunarodni Novogodišnji šahovski Rapid turnir “Euroinvest” Muhić d.o.o.
Cazin

Član 1.

Organizator turnira je privredno društvo “Euroinvest” Muhić d.o.o., PJ Motel “Aladin” iz Gornje Koprivne, zajedno sa Šahovskim savezom Unsko-sanskog kantona, a pokrovitelj turnira je “Euroinvest” Muhić d.o.o. i Motel „Aladin“ Cazin. Turnir se organizira u prostorijama Motela „Aladin“ u Gornjoj Koprivni, Cazin, dana **30.12.2024. godine** s početkom u **11:00 sati**.

Član 2.

Turnir se igra u skladu s pravilima FIDE za ubrzani šah (rapid), po švicarskom sistemu u **9 kola**. Tempo igre iznosi **15 minuta po igraču za cijelu partiju**. Podjela nagrada i proglašenje pobjednika bit će istog dana, 15 minuta nakon završetka partija zadnjeg kola.

Član 3.

Učesnici i svi prisutni u prostorijama za igru obavezni su pridržavati se pravila reda i mira, suzdržavati se od konzumiranja duhanskih proizvoda (shodno Zakonu o kontroli duhana FBiH, br. 38/2022), te čuvati inventar objekta i šahovske rekvizite.

Član 4.

Turnir će biti podijeljen u dvije grupe:

- **Grupa A:** Otvorena za sve šahiste, bez ograničenja rejtinga.
- **Grupa B:** Za igrače s rejtingom do 2000 bodova, uz uvjet minimalno 20 prijavljenih igrača.

Član 5.

Pravo sudjelovanja imaju svi igrači i igračice iz Bosne i Hercegovine i inostranstva. Turnir će se rejtingovati kod FIDE za rapid rejting listu.

Član 6.

Igrači su obavezni pridržavati se šahovskih pravila i poštivati sudijske odluke. U slučaju nepravilnog poteza, protivniku se dodaje **jedna minuta**, a drugi nepravilni potez rezultira gubitkom partije (ukoliko protivnik ima dovoljno materijala da napravi matnu sliku!).

Član 7.

Igrači su dužni prije početka partije isključiti mobitele. U slučaju da se mobitel oglasi tokom partije, igrač će biti kontumaciran. Svako korištenje elektronskih uređaja bez dozvole sudije je strogo zabranjeno!

Član 8.

Nagrade nisu kumulativne, osim za kadete do 18 godina. U slučaju dijeljenja mjesta, nagrade se dijele prema sljedećim kriterijima:

1. Rezultati u istoj bodovnoj grupi,
2. Srednji buholc (sa virtuelnim protivnikom),
3. Kumulativ,
4. Veći broj pobjeda.

Nagrade za **Grupu A**:

- Redovne nagrade: 1. mjesto – 1200 KM, 2. mjesto – 800 KM, 3. mjesto – 600 KM, 4. mjesto – 500 KM, 5. mjesto – 400 KM, 6. mjesto – 300 KM, 7. mjesto – 250 KM, 8. mjesto – 200 KM, 9. mjesto – 150 KM, 10. mjesto – 100 KM.
- Specijalne nagrade: Najuspješniji veteran (65+) – 100 KM, Najuspješnija žena – 100 KM, Najuspješniji kadeti do 18 godina – 1. mjesto: 200 KM, 2. mjesto: 100 KM.

Nagrade za **Grupu B**:

- Redovne nagrade: 1. mjesto – 600 KM, 2. mjesto – 450 KM, 3. mjesto – 350 KM, 4. mjesto – 300 KM, 5. mjesto – 250 KM, 6. mjesto – 200 KM, 7. mjesto – 150 KM, 8. mjesto – 100 KM, 9. i 10. mjesto – 50 KM.
- Specijalne nagrade: Najuspješniji veteran (65+) – 100 KM, Najuspješnija žena – 100 KM, Najuspješniji kadeti do 18 godina – 1. mjesto: 200 KM, 2. mjesto: 100 KM.

Član 9.

Sparivanje igrača vrši se kompjuterski, programom Swiss Manager. Igrač koji zakasni na partiju više od 10 minuta od zvaničnog početka, automatski gubi partiju.

Član 10.

U slučaju spora tokom partije, konačnu odluku donosi glavni sudija. Učesnici imaju pravo žalbe Odboru za žalbe kojeg će imenovati organizator. Žalbe se podnose pismeno, a Odbor za žalbe odlučuje o osnovanosti žalbe odmah, između zadnjeg odigranog i narednog kola.

Član 11.

Poslije završetka partije, igrač koji je pobijedio prijavljuje rezultat glavnom sudiji. U slučaju remija, dovoljno je da jedan od igrača prijavi rezultat. Reklamacije na rezultate dozvoljene su samo do početka narednog kola.

Član 12.

Sudije turnira će aktivno nadgledati sve partije i imaju pravo intervenirati u slučaju uočavanja bilo kakve neregularnosti, kao što su nemogući potezi ili nemoguće pozicije, čak i ako protivnik ne primijeti nepravilnost. Sudijske odluke u ovim situacijama smatraju se obavezujućim, a cilj je osigurati poštovanje pravila i pravilnosti partija na turniru.

Član 13.

Sudije turnira su: **NA Irfan Karabegović (glavni sudija), NA Dino Marković i NA Husnija Abdić.** Za sve što nije regulisano Pravilnikom, primjenjuju se FIDE pravila, a njihovo tumačenje daje glavni sudija.

Član 14.

Nastupom u prvom kolu, igrač potvrđuje da je saglasan sa svim odredbama Pravilnika.

U Cazinu, dana: 27.10.2024.

GLAVNI SUDIJA TURNIRA
NA Irfan Karabegović

DIREKTOR TURNIRA
Elvis Muhić